

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 252 del 31/01/2023

Traduzione in ladino

L é stat enaudà aló dal infopoint Euregio de Dispruch na mostra interativa dintornvia la levines

En ocajon del quinto cedean del report de la levines sorafora i confins, l é stat enaudà ai 27 de jené, na mostra interativa permanente tel Infopoint Euregio

Tirol-Sudtirol-Trentin de Dispruch, che documentea la storia di evenc entravegnui a cajon de la levines ti trei raions, da la Gran Vera inant.

Per i tecnicos enciarié de la segnalazion de pericol de levines, na sajon da d'invern la é de presciapoch 160 dis, trat de temp te chel che milions de jent ge vèrda al sit valanghe.report.

L report levines de duc trei i raions del Euregio, che vegn metù dant ogne dì, te più lengac e che va sorafora i confins, l é stat metù a jir per la pruma outa te la sajon da d'invern 2018/2019. “Desche engaissèda de schi co la pouses, entene delvers l'emportanza che l à l boletin de la levines del Euregio, che met dant l livel più aut de segurezza che i engaissé di sport da d'invern pel se pissèr, ence fora dai portoes de schi”, l'à sotrissà l assessor a la segurezza del Land Tirol Astrid Mair.

La mostra met dant l Infopoint del Euregio desche n lech nef olache la jent del Tirol, del Sudtirol e del Trentin pel se scontrèr e la sporc n contribut emportant contra i azidenc a cajon de la levines. “ I vijitadores enetressé i pel, estra che troèr fora informazions agiornèdes dintornvia l pericol de levines, tor su neves su la levines, sun sia carateristiches, sui livie de pericol e cognoscer i evenc prinzipèi sozedui a cajon de la levines da la la Gran Vera inant. Amò apede, n quiz multimedial a la fin de la mostra, ge dèsc l met a gregn e picoi de sperimentèr chel che i à emparà”, l'à amò dit Astrid Mair, e l'à envià i vijitadores a vegnir a veder la mostra col ge sporjer n gran deelpai a duc chi che à tout pèrt al projet: i tropes Servijes Levines del Euregio, l grop del Euregio, l curator Stephan Hofinger de ideas Concept Exhibition Engineering GmbH Innsbruck e Martin Kofler del TAP Tiroler Photoarchiv Lienz-Bruneck, che l à metù a la leta sia fotos storiches de la levines tel Tirol orientèl. Autra fotos de la mostra les é states metudes a la leta dal Archivie de la zità de Dispruch, da la Forzes Armèdes austriaches, dal Socors da Mont del Tirol e dal Archivie privat de Mederle de Persenon.

La mostra permanente “Euregio Avalanche Report” la é metuda fora aló dal Infopoint del Euregio te Wilhelm-Greil-Straße 17 de Dispruch da lunesc a jebia da les nef da doman a mesdì e da la does domesdì a les cinch da sera e de vender da les nef da doman a mesdì. Autra informazions se pel les lejer sul boletin levines del Euregio sul sit <https://valanghe.report>.

Fotoservije e imagines per endrez de Euregio

Download imagines e intervista chiò: <https://we.tl/t-8Q2sPjTXGP> <https://we.tl/t-RCLj05RvpP>

Traduzion di Servijes Linguistics e Culturèi del Comun general de Fascia

(cdt)